



9. oktober 2019

UKA 2019/45_122
Siverth K. Heilmann

Imm. 45

Naalakkersuisut attartornermut inatsisissatut siunnersuutissaminni pisortat inissiaatileqatigiiffiisa attartunngortussanut inissiamik neqeroornerminni inissiaq neqeroorutertik ukiut tallimat kingulliit iluanni oqummik ajornartorsiuteqartoq paasineqarsimagaangat nalunaartalermissaannik pisussaaffiliinissaat pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Sofie Geisler, Inuit Ataqatigiit)

Ila akissaqaralarutta tamakkiisumik inissiat illullu oquttut tamarsuisa aaqqissorlugillu taarsersortissagaluarpagut. Inuummi peqqissusaa pingaartinnerujuaannartariaqaratsigu. Taamaalioriaannaatinnatali siunnersuuteqartup siunertaa tapersissavarput, kikkulluunniit inissiamut isertertut pinngitsooratik ilisimatinneqartariaqarmata arlaatigut oqummik ajornartorsiuteqartoqarsimappat.

Naalakkersuisut siunnersuut itigartikkusuppaat aningaasartuutit qaffattussaanerit tunngavilersuutigalugu. Sunamita inuiaqatigiinnut aningaasartuutaanerua? Piffissaq sivikitsoq atorlugu inissianik oqoqarneranik misissuineq? Immaqaluunniit oqoqarsimappata inuit nappaalalersimasut, taassumalu malitsigisaanik peqqinnissaqarfimmut aningaasartuutit, sulinnngitsuukulanerit, kiisalu aatsaat oquk siaruavissorsimalluni iluarsartuussinerit taarsersuinerilluunniit?

Taperserparputtaaq suliffimmiit inimik attartortussaattilluni, inissiaq oqoqarsimappat naagaarsinnaatitaanissaq, neqeroorfigineqarsinnaanermut annaasaqaataannngitsumik.

Atassummiit qulakkeerusupparput kikkulluunniit inimik attartortut oqummik ajornartorsiuteqalinnginnissaat. Eqqaarusupparputtaaq illumik inissianiittunilluunniit pisiniaraanni, oqoqarsimappat tuniniaasup oqoqarneranik nalunaartussaattitaannnginnera pissusissamisunnngilluinnarmat, piaartumillu aamma taanna aqqittariaqarparput.

Atassummiit siunnersuutit imm. 45 aamma 122. akuersaarlugit sanaartornermut ataatsimiititaliamut innersuuppagut.